

Na osnovu člana 16., stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), na prijedlog Službe za zajedničke Zeničko-dobojskog kantona, Vlada Zeničko-dobojskog kantona, na 147. sjednici, održanoj dana 25.03.2022. godine, d o n o s i

ZAKLJUČAK

I.

Zadužuje se Služba za zajedničke poslove da provede proceduru ugovaranja zakupa kancelarijskog prostora na V i XII spratu poslovne zgrade „RMK promet“, a prema odredbama osnovnog Ugovora o regulisanju međusobnih odnosa vezanih za zajedničko korištenje poslovne zgrade „RMK promet“ Zenica, broj: 01/2002 od 04.01.2002. godine, zaključenog između Vlade Zeničko-dobojskog kantona i „RMK prometa“ d.d. Zenica.

Predmet zakupa su sljedeći poslovni prostori u poslovnoj zgradi „RMK promet, ukupne površine 183 m²:

- kancelarije 512, 513 i 515 (sala) na V spratu ukupne površine 79 m², i to: kancelarija 512 površine 24 m², kancelarija 513 površine 18 m² i kancelarija 515 (sala) površine 37 m²;
- prostor ostave na XII spratu (prije ulaza na XII sprat) ukupne površine 104 m².

Navedeni prostor uzima se u zakup po mjesečnoj cijeni zakupa u iznosu od 1391,71 KM sa PDV-om (slovima: hiljadutristotinedevedesetjedan i 71/100 konvertibilnih maraka), na neodređeno vrijeme.

Navedeni prostor uzima se u zakup za potrebe kantonalnih organa i službi Zeničko-dobojskog kantona.

II.

Zadužuje se Služba za zajedničke poslove da provede proceduru izmjene dijela Aneksa III na Ugovor broj 01/2002. od 04.01.2002. godine o korištenju poslovnog prostora – zakupu, zaključenog između Vlade Zeničko-dobojskog kantona i „RMK prometa“ d.d. Zenica, kojom bi se kancelarija 403 na IV spratu poslovne zgrade „RMK promet“ vratila u posjed „RMK promet“ d.d. Zenica.

Predmet izmjene Aneksa iz prethodnog stava je smanjenje kvadrature korištenja poslovnog prostora – zakupa sa 109,90 m² na 86,90 m², te umanjenje cijene zakupnine sa 835,79 KM sa PDV-om (slovima: osamstotinatridesetpet i 79/100 konvertibilnih maraka) na 660,87 KM sa PDV-om (slovima: šeststotinašezdeset i 87/100 konvertibilnih maraka).

III.

Ovlašćuje se direktor Službe za zajedničke poslove da, nakon što Služba za zajedničke poslove provede zakonom propisane procedure i pribavi mišljenje Kantonalnog pravobranilaštva, u ime Vlade Zeničko-dobojskog kantona potpiše aneks ugovora o korištenju poslovnog prostora – zakupu poslovnog prostora iz tačke I. ovog zaključka.

Ovlašćuje se direktor Službe za zajedničke poslove da, nakon što Služba za zajedničke poslove provede zakonom propisane procedure i pribavi mišljenje Kantonalnog pravobranilaštva, u ime Vlade Zeničko-dobojskog kantona potpiše Sporazum o izmjeni Aneksa III na Ugovor broj 01/2002. od 04.01.2002. godine o korištenju poslovnog prostora – zakupu iz tačke II. ovog zaključka

IV.

Odobrena sredstva iz tačke I. i II. ovog zaključka isplatiće se iz sredstava Budžeta Zeničko-dobojskog kantona, sa razdjela 13, budžetska organizacija 01, potrošačka jedinica 0001, ekonomski kod 613600, Služba za zajedničke poslove, pozicija Unajmljivanje imovine i opreme.

V.

Za relizaciju ovog zaključka zadužuju se Služba za zajedničke poslove i Ministarstvo finansija, svako u okviru svoje nadležnosti.

VI.

Stupanjem na snagu ovog zaključka stavlja se van snage Zaključak, broj: 02-11-3103/22 od 24.02.2022. godine.

VII.

Zaključak stupa na snagu danom donošenja.

Broj: 02-_____/22
Datum, 25.03.2022. godine
Zenica

PREMIJER
po ovlaštenju

Spahija Kozlić

DOSTAVLJENO:

1x Služba za zajedničke poslove,
1x Ministarstvo finansija,
1x a/a.